

Prinsip-Prinsip Am Proses Dialog Damai

Panel Dialog Damai Kerajaan Thai (PEDP) dan Barisan Revolusi Nasional Melayu Patani (BRN) bersama-sama mengiktiraf perlunya proses dialog damai inklusif yang menjunjung-tinggi maruah dan integriti kedua-dua pihak berdasarkan semangat dan isi yang terkandung dalam General Consensus dan Inisiatif Berlin. Selanjutnya, PEDP dan perwakilan BRN telah bersetuju mengenai Prinsip-Prinsip Am Proses Dialog Damai seperti berikut:

1. Kedua-dua pihak akan berbincang dan saling mencari solusi-solusi politik berdasarkan hasrat komuniti Patani di bawah Negara Kesatuan Thailand sesuai Perlembagaan termasuk bentuk pemerintahan, pengiktirafan identiti-identiti komuniti Patani, hak asasi manusia, keadilan dan undang-undang, ekonomi dan pembangunan, pendidikan, kebudayaan, dan hal-ehwal keselamatan dan keamanan.
2. Kedua-dua pihak akan berusaha untuk mewujudkan mekanisme yang selamat dan inklusif untuk konsultasi awam di kawasan itu, berdasarkan prinsip maruah, keselamatan, dan kebebasan bersuara, yang akan mencerminkan pendapat dan keperluan semua orang di kawasan itu, tanpa mengira daripada etnik dan agama. Dalam hal ini, langkah keselamatan dan keamanan yang sewajarnya akan disediakan kepada perwakilan BRN yang ditetapkan untuk mengambil bahagian dalam konsultasi tersebut.
3. Kedua-dua pihak akan berusaha untuk melaksanakan pengurangan kekerasan yang dipantau melalui mekanisme yang dipersetujui bersama yang akan menciptakan persekitaran yang kondusif untuk perdamaian dan memastikan keselamatan untuk komuniti Patani.
4. Kedua-dua pihak akan berusaha untuk membincangkan perincian perkara yang disebutkan di atas dan berusaha ke arah pelaksanaan sebenar untuk perdamaian dan kemakmuran bagi komuniti Patani di Wilayah Wilayah Sempadan Selatan Thailand.

Dibuat dan ditandatangani di Kuala Lumpur, Malaysia pada 31 Mac 2022